

1. Em ganze <sup>C</sup>Veedel es die ahl Frau Schmitz <sup>G7</sup>bekannt.  
 Se weed vun allen nur et Schmitze Bell <sup>Dm</sup>jenannt. <sup>G7</sup>  
 Die hätt nit viel, es nit besonders <sup>G7</sup>rich.  
 Un hätt noch <sup>Dm</sup>lang nit jede <sup>G7</sup>Meddaach Fleisch om <sup>C</sup>Desch.  
 Nur ein <sup>F</sup>Deil jit et, wo se Freud' dran <sup>C</sup>hätt.  
 Dat sinn die <sup>D7</sup>Blömscher op ihrem <sup>G</sup>Finsterbrett.

<sup>C</sup>Mer schenke dä Ahl en paar Blömscher  
<sup>G7</sup>e paar Blömscher für ihr <sup>C</sup>Finsterbrett.  
<sup>C</sup>Mer schenke ihr e paar <sup>G</sup>Blömscher,  
<sup>G7</sup>denn die ahl Frau Schmitz, die es <sup>C</sup>esu nett.

2. Un klopp och öfters ens 'ne Ärme an ihr Dür.  
 Dat se janix jitt, ich jläuv dat kütt nit vür.  
 Un se es och nit rich, es keine Milljonär.  
 Jet zo verschenke, dat fällt ihr jar nit schwer.  
 Un sinn et nur zehn Penning un nit mih.  
 Dovür hät se ävver usere Sympathie.

Mir schenke dä Ahl en paar Blömscher  
 e paar Blömscher für ihr Finsterbrett.  
 Mir schenke ihr e paar Blömscher,  
 denn die ahl Frau Schmitz, die es esu nett.

3. Un es die ahl Frau Schmitz ens einmol nit mih do.

Dann deit dat manchem wih, dat es doch klor.

Un wor se och nit rich, hatt net besonders vill.

Su wor se doch für uns all et Schmitze Bell.

Un wenn für sie och längs kein Blom mih blöht.

Dann singe mer für sie noch ens dat Leed.

Mir schenke dä Ahl en paar Blömscher

e paar Blömscher für ihr Finsterbrett.

Mir schenke ihr e paar Blömscher,

denn die ahl Frau Schmitz, die es esu nett.

Mir schenke dä Ahl en paar Blömscher

e paar Blömscher für ihr Finsterbrett.

Mir schenke ihr e paar Blömscher,

denn die ahl Frau Schmitz, die es esu nett.

---